

triplò breviori, involucri phyllis conniventibus lineari-lanceolatis obtusiusculis brevissimè setulis albis nigrisque hirtellis, ligulis luteis concoloribus involucri paulò superantibus.

Hab. in arenosis *Arabiae petrae* Palæstinam versùs. Legi Apr. 1846.

Folia 1-4 1/2 poll. longa, caules 3-4 pollicares, capitula illis Sp. præcedentis majora, involucri phylla 5 lin. circ. longa. A præcedenti distincta foliis abbreviatis, caulibus ramosioribus apice glandulosis, involucrio densiusculè hirto. Habitus *Lagoseridis Nemausensis*.

CREPIS CRETICA Boiss. (Sect. *Barckhausia*.)

Cr. annua breviter hirtula, foliis omnibus radicalibus obovatis obsolete denticulatis vel pinnatifidis, caulibus numerosis setaceo-filiformibus ascendentibus simplicibus vel parcè ramosis glabris, capitulis minimis longiusculè pedunculatis, involucri squamis accessoriis 3-4 brevissimis setaceis, phyllis glabris vel dorso setulosis fructiferis patulis subinduratis canaliculatis dorso obtusè carinatis, acheniis oblongo-lanceolatis striatis apice in rostrum eis duplò brevius attenuatis, pappo valdè deciduo achenio breviori.

Hab. in *Cretâ* undè retulit cl. Prof. Raulin.

Barckausia Cretica Boiss. in Raulin pl. Cret. exs.

Plantula 2-3 pollicaris, capitula eis *B. cernuæ* ferè minora, involucri phylla vix ultrà 2 lin. longa. A *B. cernuâ* acheniis rostratis, a *B. leotodontoide* Rehb, foliis non elongatis, caulibus brevissimis acheniis dimidiò brevioribus distincta. *B. Suffreniana* rostro achenium æquanti, *B. bellidifolia* caulibus crassioribus capitulis plùs duplò majoribus differunt. Species ex duobus speciminibus tantùm nota ulterius investiganda.

CREPIS SIEBERI Boiss. (Sect. *Eucrepis* DC.)

Cr. perennis, radicis præmorsæ fibris cylindricis tenuibus elongatis, collo lanâ rufescenti vestito, caule parcè pilosulo glabrove supernè laxè corymboso-paniculato, foliis teneris lætè virentibus sub lente secùs costam densius in utrâque paginâ parcè setulosis radicalibus inferioribusque petiolatis interruptè lyrato-pinnatifidis lobis lateralibus numerosis a superioribus ovatis angulatis subretrorsis ad infimos triangulares sensim diminutis terminali majori basi truncato vel subcordato-ovato acutiusculo obsolete dentato, folio caulino ad ramum in-

feriorem sito sublyrato basi amplexicauli cæteris linearibus integris brevibus, ramis pedunculisque glanduloso-pubescentibus, calyculi squamis adpressis triangulari-lanceolatis involuero quadruplò brevioribus, involucri puberuli phyllis linearibus uniserialibus acutis angustè albo-marginatis, ligulis intensè flavis concoloribus involuero duplò longioribus, acheniis angulatis sub 15 nerviis apice subattenuatis, pappo niveo deciduo achenii longitudinis.

Crepis interrupta Sieb. pl. Cret. exs. DC. Prodr. non Sibth. Flora Græca.

Hab. in rupestribus *Atticæ*, *Argolidis*, *Laconicæ* (Boiss. Sprun.), *Cretæ* (Sieb. Heldr.), *Zacynthi* (Margot.), insulæ *Cos* (d'Urv.).

Species pulchra toto cælo diversissima a verâ *Cr. interruptâ* Sibth. tab. 308 quæ *Barckhausiam Zacynthiam* DC. sistit.

CREPIS HIEROSOLYMITANA Boiss. (Sect. *Eucrepis*.)

Cr. perennis, radicis præmorsæ fibris longis tenuibus cylindricis collo glabro, caule imâ basi setuloso cæterum glabro supernè laxè corymboso-paniculato, foliis teneris lætè virentibus ad rachidem subtus parcè setulosis cæterum glabris radicalibus petiolatis lyrato-pinnatipartitis rachide alatâ integrâ segmentis lateralibus numerosis ovato-rotundis subintegris obtusis a superioribus ad infima diminutis terminali a basi subcordatâ ovato-oblongo obtuso subrepando, foliis caulinis inferioribus 1-2 lyratis basi dilatatâ amplexicaulibus rotundato-auriculatis, rameis linearibus abbreviatis, pedunculis glabris vel sub lente crispulè et minutissimè puberulis, calyculi squamis lanceolatis acuminatis laxiusculis involuero triplò brevioribus, involucri subfarinoso-puberuli phyllis lanceolatis angustè albo-marginatis acutis, ligulis concoloribus involuero duplò longioribus, acheniis subincurvis angulatis sub 11 nerviis supernè subattenuatis, pappo niveo citò deciduo acheniis longiori.

Hab. in rupestribus colium circâ *Hierosolymam* sitorum v. gr. in rupibus ad meridiem vallis *Hinnom*. Legi April.

Pedalis vel sesquipedalis, folia radicalia 3-4 poll. longa segmenta lateralia 4-6 diametro 3-4 lin. lata, terminale pollicem circ. longum, panicula et capitula *C. Sieberi* cui habitu et characteribus valdè affinis est et a quâ differt radicis collo non lanato, foliorum segmentis omnibus obtusis ferè integris rotundatis, calyculi squamis longioribus